



北京師範大學圖書館  
Beijing Normal University Library

北京師範大學圖書館藏  
稀見方志叢刊續編

學苑出版社

北京師範大學圖書館藏  
稀見方志叢刊續編

樂山縣志卷之七

政績

秦

李冰孝文王時為蜀守知天文地理青衣有沫水出蒙山伏行地中會江南安觸山崩澗崖水脈漂疾破害舟船歷代患之冰發卒鑿平澗崖通正水道或曰冰鑿時水神鬪怒冰操刀入水中與神鬪迄今蒙福

漢

唐蒙武帝時使粵還上通夜郎道議帝拜蒙為中郎將

見夜郎侯厚賜論以威德約爲置吏夜郎旁小邑俱聽蒙約還報乃以爲犍爲郡置縣十二發巴蜀卒治道指牂牁南安縣臨大江岸便山嶺相連經益州郡有道廣四五尺深或百丈傳是蒙所鑿遺蹟也

吳漢字子顏南陽宛人也歸光武拜大司馬建武十一年伐公孫述將南陽兵泝流而上十二年春與述將龍黨公孫永戰于魚涪津大破之以次平蜀十四年振旅浮江而下至宛令過家賜穀二萬斛

楊洪字季休犍爲武陽人也先主領牧爲部屬從事及

征漢中丞相亮表爲蜀郡太守後主時漢中太守黃元叛洪度其必乘水東下勅諸將陳胥等於南安峽口邀遮果得元洪官終中郎將越騎尉

晉

趙模江夏太守陳搃之主簿也元康六年詔以趙廞爲益州刺史永康元年反遣軍逆搃搃至江陽聞變模曰今州郡不協必生大變惟當速行府是兵要助順討逆莫有動者也搃更緣道遲留至南安魚涪津與廞軍遇模自散財貨募士卒距戰若克州軍則州可

得不克順流而退必無善也搃不能模曰今州起事必當立威雖不戰無益也言至垂涕搃不聽衆拖搃逃草中模衣搃衣格戰歟兵殺模見非搃乃搜求搃殺之

桓溫穆帝永和二年率水軍伐漢次青衣漢大發軍距守又遣李福督堅數十人從山陽趣合水距溫意溫步道而上諸將皆欲設伏於江南堅不從率諸軍從江北鴛鴦碕渡向犍爲而溫從山陽出江南堅到犍爲方知與溫異道乃迴從沙頭津比渡而

都之十里陌矣堅衆旣潰李勢降蜀平

隋

段文振北海期源人官行軍總管仁壽初嘉州獠亂討之引軍山谷間爲賊所襲文振收散軍出其不意大破之

楊武通華陰人以行軍總管討西南夷屢有功擢左衛大將軍後與周法尙討嘉州叛獠尙將初不利武通先率數千人斷賊歸路而東馬懸車出賊不意頻戰破之賊知孤軍無援傾部落而至武通轉戰數百里

四面路絕輕騎接戰爲賊所殺

趙昱字仲明與兄冕俱隱青城山大業末煬帝徵不至督讓益州太守強起糜以上爵不就乞爲蜀太守從之拜眉山郡郡有蛟害昱至五月沒舟七百艘昱大怒率甲士千人及州屬男子數萬臨江鼓譟昱仗劍沒水須臾天地晦冥江水豐隆作殷雷響昱右手持劍左手提蛟首奮波出三水皆赤害遂除昱是時甫二十六歲尋四方兵起棄官不知所終或以爲仙去矣唐之初年每江漲雲霧中見昱騎白馬從數獵者



來水必縮事聞太宗賜封神勇大將軍廟食灌口明  
皇幸蜀進封赤城王宋張詠官蜀賊亂禱祠得助事  
聞改封清源妙道真君

唐

李思行趙州人高祖時授左三統軍累授嘉州刺史封  
樂安郡公永徽初卒贈洪州都督諡曰襄

岑參南陽人文本裔孫登天寶三載進士第累官右補  
闕論斥權佞改起居郎尋出爲虢州長史復入爲太  
子中允代宗總戎陝服委以書奏之任由庫部郎出

刺嘉州敏于政事杜鴻漸鎮西川表爲從事以職方  
郎兼侍御史領幕職使罷流寓不返遂終於蜀參博  
覽史籍尤工綴文屬詞清尙用心良苦其有所得往  
往超拔孤秀度越常情每一篇出人競傳寫比之吳  
均何遜焉至德中裴洎常薦其職度清遠議論雅正  
佳名早立時輩所仰可備獻替之官有集十卷杜確  
爲之序

韋臯其先南康人後徙京兆貞元元年以檢校戶部尙  
書兼成都尹劔南西川節度使九年命大將出西山

及南道破峩和城吐蕃援兵至大敗之平堡柵五十餘所又綏山縣婆籠川生獠首領甫枳兄弟誘生蠻爲亂臯斬之招其首領勇于等出降或請增柵東陵界以守軍不從曰無戎而城害所生也獠亦自是不擾境累官至檢校司徒兼中書令封南康郡王順宗朝以疾卒于蜀年六十一贈太師

李德裕字文饒穆宗文宗武宗朝歷官至門下侍郎同中書門下平章事冊拜司空尋以功拜太尉進封衛國公宣宗朝累徙東郡留守太中元年再貶崖州司

戶參軍明年卒後十年懿宗追復故官贈尚書左僕射文宗太和中嘗徙劍南西川節度時蜀旣南失姚協西亡維松由清溪下沫水而左盡爲蠻有德裕爲建籌邊樓置雄邊子弟復邛來關築仗義禦侮柔遠諸城又舊制歲杪運內果粟瞻黎雋州起嘉厝道陽山江而達大渡乃分餉諸蠻常以盛夏至地苦瘴毒輦夫多死德裕命轉邛雅粟以十月爲漕始先夏而至運饋者不涉歲月

薛能字大拙汾州人會昌六年進士李福鎮滑

察判官歷刑部員外郎福徙西蜀奏以自副咸通中  
攝嘉州刺史政尚嚴察絕私謁累官至工部尚書節  
度徐州徙忠武廣明元年軍亂大將周岌乘衆疑逐  
能自稱留後能僻於詩日賦一章有集十卷又繁城  
集一卷

段文昌臨淄人以韋臯薦起官校書郎穆宗初年授劍  
南西川節度羣蠻震服文宗朝檢校尚書右僕射節  
度荊州南詔襲南安上以文昌得夷心詔復節度西  
川卒贈太尉

盧宏宣元和中進士開成中拜劍南東川節度使時歲  
饑盜結土酋爲亂聯蓬溪嘉榮諸州誅蠻落搖亂根  
株盤熾宏宣檄諭賊黨稍降其强者署軍中孱者使  
歸農於是魁長皆逃之峽中吏捕誅之事平徙義武  
節度使又新舊唐書咸通十年南詔入寇與官軍相  
持於大渡河蠻密分兵開道踰雪坡至沐源川渡江  
陷犍爲掠陵榮二州旣而大集於凌雲寺嘉州刺史  
楊恣遣兵拒之蠻潛出奇兵自東津濟夾擊官軍潰  
遂陷嘉州次眉州西川節度盧耽東川節度顏慶後

擊走之

孟昭圖僖宗時爲左拾遺黃巢之亂田令孜勸帝幸蜀至成都黃頭軍將作亂昭圖請奏對不允因上疏極陳黃頭軍亂疏入令孜匿不以聞矯詔貶嘉州司丁參軍使人沈于墓頤津家隸收其尸葬之中外痛惜前後蜀

劉贊前蜀後主時爲嘉州司馬後主荒淫不恤國事以韓昭顧在珣等爲狎客諸人又勸衍誅諫者人莫敢言贊乃繪陳後主三閣圖并作歌以諷衍雖不罪不

能用也

歐陽彬字齊美衡州人炯之弟前蜀朝官翰林學士前蜀亡復歸後蜀高祖廣政初後蜀後主以爲嘉州刺史彬喜曰青山綠水中爲二千石作詩飲酒稱風月主人豈不佳哉累官尙書左丞出爲寧江軍節度使廣政十三年卒

田淳後蜀後主朝官龍游令時以用度不足始鑄鐵錢禁境內用鐵凡器用須鐵爲者置場權之以專其利又遣使嚴督諸路累年逋負淳上疏言擾民犯天意



聚財損君道語甚切直昶不能用淳好談治亂大畧  
屢陳朝政闕失常言王昭遠伊審微韓保正不可當  
大任或勸以遜詞取貴淳曰大丈夫豈能附鼠輩求  
進哉

宋

王全斌并州太原人武德二年蜀交州刺史全師雄據  
彭州邛蜀眉雅嘉戎榮陵凡十七州並隨爲亂詔全  
斌討之師雄屢敗走保灌口會病死俄指揮使呂翰  
殺之嘉州客省使武懷節等與師雄之黨復謀爲亂